



Australian Government

Department of Infrastructure, Transport,
Cities and Regional Development



Community Bulletin

INDIAN OCEAN TERRITORIES

Ordinan Perikanan Pulau Krismas dan Kepulauan Cocos (Keeling)

Nombor: D57/2019

Tarikh: 06 Ogos 2019

Relevan: Kepulauan Cocos (Keeling)

Topik: Ordinan Perikanan Pulau Krismas dan Kepulauan Cocos (Keeling)

Kerajaan Australia sedang mencadangkan undang-undang baharu bagi pemancingan rekreasi untuk Pulau Krismas dan Kepulauan Cocos (Keeling) bagi memastikan stok ikan di Wilayah Lautan Hindi dikendalikan secara mampan untuk dinikmati dan dimanfaatkan oleh generasi akan datang.

[Ordinan Pindaan 2019 Undang-undang Terpakai \(Pengurusan Sumber Perikanan\) Kepulauan Krimas](#) dan [Ordinan Pindaan 2019 Undang-undang Terpakai \(Pengurusan Sumber Perikanan\) Cocos \(Keeling\)](#), menangani isu alam sekitar dan sekatan lokasi pemancingan rekreasi dengan mewujudkan had beg, mengenal pasti spesies terlindung, mengawal penggunaan peralatan memancing tertentu, dan menyekat eksport ikan dari kepulauan.

Yang penting, Jabatan Infrastruktur, Pengangkutan, Bandar dan Pembangunan Wilayah memastikan Ordinan tersebut turut merangkumi pengecualian yang mengiktiraf kepentingan agama dan budaya pemancingan rekreasi kepada komuniti Pulau Krismas dan Kepulauan Cocos (Keeling).

Kerajaan mengiktiraf kepentingan memancing kepada masyarakat kita di Wilayah Lautan Hindi (IOT). Memancing telah dikenalpasti dalam Pelan Strategik Pulau Krismas 2030, dan juga Pelan Strategik Cocos (Keeling) 2030 sebagai aktiviti yang paling digemari, dan merupakan kekuatan utama sebagai sebahagian daripada persekitaran laut semula jadi IOT, dan menyediakan peluang besar untuk pertumbuhan sektor pelancongan serta mewujudkan kepelbagaian ekonomi. Kedua-dua rancangan tersebut memerlukan penyelenggaraan sumber perikanan yang mampan untuk mencapai visi komuniti menjelang 2030.

Ordinan Perikanan yang dicadangkan boleh dilihat di laman web Jabatan di: <http://regional.gov.au/territories/publications> dan kami mengalu-alukan pandangan anda, sebagai sebahagian daripada komuniti. Komen atau maklum balas mengenai Ordinan yang dicadangkan hendaklah dihantar melalui e-mel kepada IOTLegalPolicy@infrastructure.gov.au sebelum waktu tutup perniagaan hari Jumaat 23 Ogos 2019.

Saya amat teruja untuk melaksanakan inisiatif penting ini.

Claire Howlett

Pemangku Pentadbir, Pulau Krismas dan Kepulauan Cocos (Keeling)